

20 апреля 2020 года

ПАСХА

Светлый Понедельник

Последование вечерни
для домашнего (келейного) совершения

Моли́твами святы́х оте́ц на́ших, Го́споди Иису́се Христé, Бо́же наш, помíлуй нас. Ами́нь.

Тропарь, глас 5:

Христóс воскресе из мёртвых, / смёртию смерть попра́в / и сущим во гробéх живóт дарова́в. Трижды.

Стих 1: Да воскресе́нет Бог, и расточа́тся врази́ Его́, / и да бежа́т от Лица́ Его́ ненави́дящий Его́.

Христóс воскресе из мёртвых, / смёртию смерть попра́в / и сущим во гробéх живóт дарова́в.

Стих 2: Я́ко исчеза́ет дым, да исче́знут, / я́ко та́ет воск от лица́ огня́. Христóс воскресе: единожды.

Христóс воскресе из мёртвых, / смёртию смерть попра́в / и сущим во гробéх живóт дарова́в.

Стих 3: Та́ко да поги́бнут грéшницы от Лица́ Бо́жия, / а пра́ведницы да возвеселя́тся. Христóс воскресе: единожды.

Христóс воскресе из мёртвых, / смёртию смерть попра́в / и сущим во гробéх живóт дарова́в.

Стих 4: Сей день, его́же сотвори́ Госпо́дь, / возра́дуемся и возвесели́мся в онь. Христóс воскресе: единожды.

Христóс воскресе из мёртвых, / смёртию смерть попра́в / и сущим во гробéх живóт дарова́в.

Сла́ва Отцу́ и Сы́ну и Свято́му Ду́ху.

Христóс воскресе из мёртвых, / смёртию смерть попра́в / и сущим во гробéх живóт дарова́в.

И ны́не и прísно и во ве́ки веко́в. Ами́нь.

Христос воскрес из мёртвых, / смертию смерть поправ / и сущим во гробех живот даровав.

И паки:

Христос воскрес из мёртвых, / смертию смерть поправ / и сущим во гробех живот даровав.

Господи, помилуй, 12.

Слава, и ныне:

ГОСПОДИ, ВОЗЗВАХ, ГЛАС 3-й.

Господи, воззвах к Тебе, услыши мя. Услыши мя, Господи.

Господи, воззвах к Тебе, услыши мя: вонми гласу моления моего, внегда воззвати ми к Тебе. Услыши мя, Господи.

Да исправится молитва моя, яко кадило пред Тобою, воздеяние руку мою — жертва вечерняя. Услыши мя, Господи.

На 6: Аще беззакония назириши, Господи, Господи, кто постоит? Яко у Тебе очищение есть.

Твоим Крестом, Христэ Спасе, смерти держава разрушися, и диаволя прелесть упразднися, род же человеческий, верою спасаемый, песнь Тебе всегда приносит.

Имене ради Твоего потерпех Тя, Господи, потерпé душá моя в слово Твое, уповá душá моя на Господа.

Просветишася всяческая Воскресением Твоим, Господи, и рай паки отверзется, вся же тварь восхваляючи Тя, песнь Тебе всегда приносит.

На 4: От стражи утренния до нощи, от стражи утренния да уповáет Израиль на Господа.

Слаблю Отца и Сына силу, и Святаго Духа пою власть, нераздельное, несозданное Божество, Троицу Единосущную, царствующую в век века.

Яко у Господа милость, и многое у Него избавление, и Той избавит Израиля от всех беззаконий его.

Кресту Твоему честному поклоняемся, Христэ, и Воскресение Твое поём и славим. Раню бо Твоею мы вси исцелехом.

На 2: Хвалите Господа вси языцы, похвалите Его вси людие.

Поём Спаса от Девы воплощагося. Нас бо ради распяты, и в третий день воскрес, даруя нам велию милость.

Яко утвердѣся мѣлость Его на нас, и истина Господня пребывает во век.

Сущим во аде сшед Христос благовести: дерзайте, глаголя, ныне победѣх, Аз есмь Воскресение, Аз вы возведу, разрушѣ в смертная врата.

Слава, глас тойже:

Недостойно стояще в пречистом дому Твоем, вечернюю песнь возсылаем, из глубины взываяще, Христѣ Божѣ: просветивый мир тридневным воскресением Твоим, изми люди Твоя от руки врагов Твоих, Человеколюбче.

И ныне, глас тойже:

Како не дивимся Богомужному Рождеству Твоему, Пречестная? Испытания бо мужескаго не приемши, Всенепорочная, родила бо еси без Отца Сына плотию. Прежде век от Отца рожденнаго без матери, никакоже претерпевшаго изменения, или смешения, или разделения, но обою существу свойство цело сохраняшаго. Темже, Мати Дѣво Владычице, Того моли спастися душам, православно Богородицу исповѣдающих Тя.

СВЕТЕ ТИХИЙ

Свете тихий святѣя славы, Безсмертнаго, Отца Небеснаго, Святаго Блаженнаго, Иисусе Христѣ. Пришедше на запад солнца, видевше свет вечерний, поем Отца, Сына и Святаго Духа, Бога. Достойн еси во вся времена пѣти быти гласы преподобными, Сыне Божий, живот дай, темже мир Тя славит.

Прокимен великий, глас 7: Бог наш на небеси и на земли, вся елика восхотѣ, сотвори.

Стих 1: Во исходѣ Израилеве от Египта, дому Иаковля из людей варвар, бысть Иудѣя святѣня Его.

Бог наш на небеси и на земли, вся елика восхотѣ, сотвори.

Стих 2: Море виде и побежѣ, Иордан возвратися вспять.

Бог наш на небеси и на земли, вся елика восхотѣ, сотвори.

Стих 3: Что ти есть море, яко побѣгло еси? И тебѣ Иорданѣ, яко возвратился еси вспять?

Бог наш на небеси и на земли, вся елика восхотѣ, сотвори.

Господи, помилуй. 40.

Сла́ва, и ны́не:

Сподóби, Го́споди, в вечер сей без грехá сохраниться нам. Благословен еси́, Го́споди, Бо́же отецъ на́ших, и хва́льно и просла́влено Имя Твое́ во ве́ки. **Ами́нь.**

Бу́ди, Го́споди, мило́сть Твоя́ на нас, я́коже упова́хом на Тя. Благословен еси́, Го́споди, научи́ мя оправда́нием Твои́м. Благословен еси́, Влады́ко, вразуми́ мя оправда́нием Твои́м. Благословен еси́, Святы́й, просвети́ мя оправда́нии Твои́ми.

Го́споди, мило́сть Твоя́ во век, дел рукú Твое́ю не презри. Тебе́ подобáет хвала́, Тебе́ подобáет пение́, Тебе́ сла́ва подобáет, Отцу́, и Сы́ну, и Свято́му Ду́ху, ны́не, и прýсно, и во ве́ки веко́в. **Ами́нь.**

Го́споди, поми́луй. **12.**

Сла́ва, и ны́не:

Стихи́ра на стихóвне воскрeсная, глас 3:

Стра́стию Твое́ю, Христé, омрачи́вый со́лнце и свéтом Твоего́ Воскрeсeния, просвети́вый вся́ческая, приими́ на́шу вече́рнюю песнь, Человеколю́бче.

Стихи́ры Па́схи, глас 5:

Стих: Да воскрeснет Бог, и расточáтся врази́ Егó.

Па́сха свяще́нная нам днeсь показáся: Па́сха но́ва свята́я, Па́сха та́инственная, Па́сха всечестна́я, Па́сха, Христóс Изба́витель, Па́сха непоро́чная, Па́сха вели́кая, Па́сха ве́рных, Па́сха, двeри ра́йския нам отверза́ющая, Па́сха, всех освяща́ющая ве́рных.

Стих: Я́ко исчеза́ет дым, да исче́знут.

Прииди́те от видeния, жены́ благове́стницы, и Сиóну рцýте: приими́ от нас ра́дости благове́щения Воскрeсeния Христóва; красуйся, ликуй и раду́йся, Иерусали́ме, Царя́ Христá узрeв, из грóба, я́ко Жени́ха, происхо́дяща.

Стих: Та́ко да поги́бнут грeшницы от лица́ Бо́жия, а пра́ведницы да возвеселя́тся.

Миронóсицы жены́, у́тру глубоку́, предста́вша грóбу Живода́вца, обрето́ша А́нгела, на ка́мени сидя́ща, и той, провещáв им, сиче глаго́лаше: что и́щете Жива́го с ме́ртвыми? Что пла́чете Нетле́ннаго во тли? Ше́дше, проповeдите учени́ком Егó.

Стих: Сей день, егóже сотвори́ Господь, возра́дуемся и возвесели́мся вoнь.

Пáсха крáсная, Пáсха, Госпóдня Пáсха, Пáсха всечестнáя нам возси́я. Пáсха, рáдостию друг дру́га обы́мем. О Пáсха! Избавлéние скóрби, и́бо из грóба днесь, я́ко от чертóга возси́яв, Христóс жени́ рáдости испóлни, глагóля: проповéдите апóстолом.

Слáва, и ны́не:

Воскресéния день, и просвети́мся торжествóм, и друг дру́га обы́мем; рцем: брáтие, и ненави́дящим нас прости́м вся Воскресéнием, и тáко возопи́м: Христóс воскресе́ из мёртвых, смёртию смерть попрáв и сущим во гробéх живóт даровáв.

Христóс воскресе́ из мёртвых, смёртию смерть попрáв и сущим во гробéх живóт даровáв. Трижды.

Утверди́, Бóже, святу́ю правослáвную véру правослáвных христиáн во век вéка.

Христóс воскресе́ из мёртвых, смёртию смерть попрáв и сущим во гробéх живóт даровáв.

Отпúст

Христé, воскресый из мёртвых, смёртию смерть попрáвый и сущим во гробéх живóт даровáвый, и́стинный Бóже наш, молíтвами Пречíстыя Твоея́ Мáтере и всех святых, помíлуй и спаси́ нас, я́ко Благ и Человеколю́бец. Аминь.

Христос Воскресе! Воистину Воскресе!

Христóс воскресе́ из мёртвых, смёртию смерть попрáв и сущим во гробéх живóт даровáв. Трижды.

И нам даровá живóт вéчный, покланя́емся Егó триднёвному Воскресéнию.

Вели́каго господíна и отцá нáшего Кири́лла, / Святéйшаго Патриáрха Москóвскаго и всея́ Русí, / и господíна нáшего высокопреосвящённейшаго **и́мярек, / митрополíта [**или́**: архиепíскопа; **или́**: преосвящённейшаго **и́мярек**, епíскопа] [**егóже есть óбласть**], / настоя́теля, брáтию и прихóжан свята́го хра́ма нáшего, / домочáдцы нáша и вся правослáвныя христиáны, / Гóсподи, сохрани́ их на мно́гая лéта.**